

Et visto deposition di Savi et proveditori sora le acque che consciano se li pol far gratia, et però li Consieri messeno conciederli per anni 20, con questo termine di un anno habbi fatto ditto inzeguo, aliter la gratia sia de niun valor. Fu presa: Ave 180, 10, 12.

Fu posto per il Serenissimo e tutto il Collegio, dovendosi partir de qui domio Rodorico Nino orator cesareo, qual si ha portato benissimo in questa sua legation, con satisfaction nostra, però li sia donado una cadena d'oro over altro de valuta de ducati 500, *ut in parte*. Ave 206, 7, 6. Et per il Conseio di X con la Zonta fu preso donarli altri ducati 500.

Fu posto, per li Consieri, Cai di XL e Savi, hessendo venuto de qui uno camerier di la duchessa di Mantova a notificer il nascerli di uno fiol primogenito, però li siano donati scudi 100 d'oro, *ut in parte*. Fu presa. Ave: 175, 31, 7.

Fu posto, per li Savi ai Ordeni, acomodar sier Alvise Donado e compagni per metter a carena una sua nave, di alcune cose di l'Arsenal, lassando in contadi l'ammontar. Fu preso. Ave: 139, 5, 4.

Fu posto per tutto il Collegio donar il dazio di ducati 69 di legnami tratti de qui per far la nave di sier Lunardo Arimondo qu. sier Zorzi; et questo è il secondo Conseio, la qual vol Andò la parte: 150, 41, 10. *Iterum* 167, 41, 14. Fu presa.

Fu posto, per li Savi a Terra ferma una parte, che *de coetero* non si possi dar per stipendio o altro ad alcun, come se fa per corutella, se la parte non sarà posta per tutto il Collegio et con la stretura, la parte di dar provision, et per il simile non si possi dar taxe. Ave 142, 20, 8. Fu presa.

Fu posto, per li consieri, cai di XL e savi del Conseio e Terra ferma una parte, poi letta una suplication di la moier fo dil qu. Stanni Clementi, che a suo fiol nominato Anargiti li sia dato provision a la Camera di Candia di ducati 8 per paga, a page 8 a l'anno. Ave 179, 12, 11. Fu presa.

Fu posto per sier Gabriel Moro el cavalier, sier Alvise Bon consieri, sier Anzolo da Mula cao di XL, una parte che *de coetero* tutte le cause che impatarano o verano a una ballota più, et cussi quelle fin hora non è stà expedite, così come si devolveranno a do Quarantie, cussi sia preso che quelle di la Civil Vecchia vadi a la Nuova, e quelle di la Nuova a la Vecchia e quelle del Conseio di XXX sesono di cose di la terra alla Vecchia, se di fuori

a la Nuova. Et sia preso che immediate impatade overo a una ballota manco, ditte cause siano anziane a tutte le altre *ut in parte*. La qual non se intendi presa se la non sarà posta et presa nel Maior Conseio. Ave 103, 56, 23.

Fu posto, per li Savi ai Ordeni una parte, che *de coetero*, atento le gran pregerie si fa per li officiali di galle grosse, scrivani, maistranze etc. a quelli dil Collegio, sia preso che quel zorno si farà ditta eletion, tutti quelli vorano esser ballotadi vengano in la sala dove si reduce il Senato e li siano serati fino saranno chiamati in Collegio, sotto pena se alcun nobile pregasse, quel tal per do anni non possi esser balotado, con alcune clausole et *etiam* quando li capitani referiranno del portamento di officiali siano tolti in nota, et letti in Collegio per do mude, aziò se sappi li portamenti loro. Et sia publicada la presente parte sopra le scale di Rialto et di San Marco. Ave 141, 38, 15.

Fo prima fatto eletion di cinque savi ai Ordeni. Io Marin Sanudo fui in la prima eletion. Tulsì sier Francesco Badoer di sier Zuane dottor et cavalier et cazete. Li tolti sono questi.

Electi V Savi ai Ordeni

Sier Beneto Balbi fo podestà a Lonigo, qu. sier Piero, qu. sier Beneto	145. 83
Sier Hironimo Valier di sier Beneto	147. 77
Sier Zuan Battista da Molin, qu. sier Marco, <i>da Santa Marina</i>	147. 79
Sier Francesco Nani, qu. sier Bernardo, qu. sier Zorzi	148. 81
Sier Francesco Badoer di sier Zuane, dottor et cavalier	154. 71
† Sier Andrea Gradenigo, fo podestà a Moncelese, qu. sier Alvise	157. 72
Sier Lunardo Malipiero, fo savio ai Ordeni, di sier Hironimo, qu. sier Piero	130. 93
† Sier Zuan Battista Bernardo, qu. sier Alvise	185. 42
Sier Piero Zen <i>el grando</i> , di sier Hironimo, qu. sier Piero	114. 113
Sier Andrea Gabriel di sier Francesco, qu. sier Bertuzzi, el cavalier	152. 77
Sier Zuan Querini, qu. sier Antonio <i>da S. Tomado</i>	134. 93
Sier Donado Barbaro, qu. sier Hironimo, qu. sier Piero	144. 80